

ANTHONIS
STATUS
OLOGIAE

AB
67 $\frac{10}{C,14}$



3. 4

Keyn kurtz ausle-
gung uber das xx.
capitel Exodi.
der zehen ge-
pott.

Philip. Melanch.

Wittenberg.
1525.



[Faint, illegible text, likely bleed-through from the reverse side of the page]



Eyn kurtz Auszleg-

ung vber das XX. Capitel / des andern
Buchs Mosi. Philip. Melanch.

¶ Das erst gepot.

Du solt keyn ander Götter neben mir
haben.

DAs erst gepot erfordert von vns das ver-
trawen ynn Got / vnd die forcht gottes.
Deshalben eh Got anhebt zugepieten / Beschrey-
bet er vorhin eyn weyse oder manyer / dobey man
yhn erkennen sol / Denn wie kanstu dem etwas
vertrawen / den du nit kenneest / oder vmb wil-
chen du nichts weyst / oder wie kanstu disen fur-
chten / vmb wilchen dyr nichts wissen ist. Dergley-
chen auch glawbt noch trawt man disem nichts.
Es wirdt auch der nit gefurcht / wilchen wir mey-
nen er hab nichts mit vns zuschaffen / oder yhm
lig nichts an vns / darumb mus man Got erstlich
erkennen / Derhalben facht er an / Ich Byn der
Herr deyn Got / als wolt er sprechen / Siche vnd
erkenne mich / das ich der sey / wilcher deyn leben
lang vmb dich vnd mit dir wandlen / vnd wo-
nung haben wirdt. Der ich auch von deinen wegen
sorg trag / vnd der ich auch dich mag vnd wil
gluck selicklich regiern zc. Herwiderumb soltu
auch wissen / so du mich verachten vnd verschme-
hen wirst / das ich gewlich vnd dich hart straffen

A ij

wirdt. Er setzt auch hinzu das werck / durch welches zu gleych die gutthat / vnd zorn gottes mag erkandt werden / da er spricht / Denn ich hab dich aus Egypten landt aus dem diensthaus gefurt / du solt keyn Bildtnus noch yrgent eyn gleychnus (wie denn vnser hertz grebt / macht vnd yhm für Bildt) nit anbeten / noch yhm dienen. Anbeten vñ dienen trifft glauben vnd forcht an.

¶ Der da heym sucht der Vetter missethat an den kindern.

Das ist eyn erschrecklich wort / damit angezeigt wirt / wie sich vnser sund fur vnd fur ausbreyt vñ erbt auff vnser nach kommen. Her entgegen sagt er auch / vnd thu Barmhertzigkeyt ynn vil tausent / die mich lieb haben &c. Mit diesem wort werden die Betrübten gewissen getröst / denn es beweyst vnd gibt dem menschen görtliche gutthat / welche gutthat den alweg grösser ist den der zorn gottes. Gott hat eyn solchen grossen arawen ab der sunde gehabt / das er seynen eyngelbornen sohn Christum fur vnser sund hat zur sund gemacht. Er hat sein leben von yhm gelegt spricht der prophet.

¶ Das ander gepot.

Du solt den namen des Herren deines gottes nit vergeblich führen.

Das gepot gebent nit alleyn das man den namen Gottes / nicht zu fluchen noch zum falsch schwören soll brauchen / sondern auch / das alle die so da gefertigkeit leyden / zu dem selben namen des Herrn eyn zuflucht / vnd den als eyn porten des heyls sollen haben / wie den Salomon sagt. Der namen des Herrn ist eyn fast starcker thurn. Wilcher Gott nit forcht / vnd wilcher Gott nit glaubt noch trawt / der selb gebrauchet sich des namen Gottes zu feyner zeyt rechtgeschaffen / vnd diser ist eyn heuchler vnd gleyßner / der den namen Gottes vilnals anzeucht / vnd vertrawt doch selbs die weyl Got nit. Derhalben sichstu das dis ander gepot her fleust aus dem Erstem gepot. Das ander gepot redt von eusserlichen worten.

¶ Das drit gepot.

Gedenck des Sabaths tags, das du yhn heyligest.

Der Sabath der mus nit verstanden werden von der eusserlichen vnd leyblichen auffhörung von der arbeyt / sonder von der ruh des geysts / das ist von gedult ynn aller widerwertigkeit. Also damit das fleysch durchaus mußig sey / vnd nichts arbeyt / den der Herr mus alleyn arbeyten vnd wirken ynn vns / vnd gleych das ihs / das er sagt / Du solt heyligen den Sabats tag / das ist so viel / schaff das des fleysch mußig gang / heylig vñ Got dem Herrn außgesundert sey / das Chri
A iij

Weli
che yt
fley sch
fur v
fur t
ten / z
selben
heilig
den s
Bath
recht

stlich leben wirt allenthalben ynn der schrifft der
Sabbath genant / welche da stettigs fleisch ertödtung
leyden / die selben halten die feyer oder den
Sabbath recht / vnd ynn den selben ist der geyst
Gottes krefftig / vnd wirckt ynn yhnen / vnd den
selben ist auch das ertödet wort / das ist das E
uangelion groß von nöten / welches den ynn dem
Bedeut ist worden vnd figurirt / das den Juden
ynn gesetz war verbotten / das sie am Sabbath ni
chts anders solten thun / denn nur lesen. Der tod
Christi ist vnser Sabbath vnd vnser fleisch ert
tödtung.

¶ Dis ist nu die erste Taffel.

Diss ist der ganz verstand vnd ynnhalt des
Ersten gepott / Glaub vnd traw Got alleyn / Wie
kan oder mag man eynem trawen vñ glauben den
man nicht kenne? Der gleychen / wie kanstu dem
vertrawen / wilchen du meynst / er hab nichts mit
dyr zuthun oder zuschaffen / vnd wenn du yhn
schon gleych wol kennest? Als denn setzt er zum
gesetz eyn vrsach vnd erkleret / warumß man yhn
auch glauben vnd trawen soll. Als nemlich / Gott
sol gefurcht werden / die weyl er sagt / Ich deyn
Got byn eyn starcker eyferer. Item so soll man
yhn trawen vnd glauben / nach dem er sagt / Ich
thu Barmhertzigkeyt an viel tausent.

Zum letzten / thut er auch eyn zeychen hinzu /
durch wilches er wil / das man seyn zorn vnd auch
seyn Barmhertzigkeyt soll erkennen / nemlich die

erlösung des volcks von der Egyptischen dienst-
parthey / vns ist keyn herzlicher vnd mechtiger er-
empel gegeben / den Christus ist.

Die Inhaltung vnd Summa des andern ge-
pots / ist das. Ruffe an den namen des Herren /
vnd das ander gepot fleust aus dem ersten / denn
es ist vnmüglich / aber der war glawß / vnd die
forcht / bringen mit sich die anruffung des götli-
chen namens. Es helt auch gantzlich disß gepot
nichts anders ynnen / denn solchs / als die nachfol-
genden spruch: Eyn iglicher der da an wurde
ruffen den namen des Herren / der wird selig
werden. Item Proverb. Der name des Herren ist
eyn stärker thurn / der Herr ist nahendt allen den
die yhn anruffen / verstehe die yhn anruffen ynn
der warheyt. Man mus die heyligen nicht anbeten
oder anruffen vmb zeytliche gütter / wie denn das
gemeyn bößel zuthun gewonet ist / denn sie können
dyr nicht helffen / Sie sind alleyn zeychen / yn wil-
chen vns Gott seyn barmherzigkeyt zeygt. Aber
Christus ist alleyn das zeychen / das da gewiß
macht. Aus der ursach sol man solche gebet zu den
heyligen so viel es müglich ist / vnd auffß höchste
meyden / denn es ist alleyn eyn eynigß gebet / das
solche gebet weyr vbertryfft / vnd weyr besser ist /
Gott ernstlichen mit vertruwen anruffen.

¶ Die Summa vnd Inhaltung des dritten Gepots.

Erstlich / der Sabbath Bedeut nicht den sitten
A iij

zu feyern des siebenden tags / denn es seyen alle
tag/nach dem abgethanen gesetz / zu gleych eyner
ley heyligkelt vnd ynhalt. Darnach wird nichts
anders ynn diesem gepot gepotten / denn das wir
nicht solten arbeyten noch wirken / sondern wir
sollen dulden vnd leyden ynn vns den wirken
den geyst. Der Sabbath bedeut die auffhörung
der sabb vnserer werck / oder das werck des freyen wil
sath ist. lens / wenn ynn vns wirkt nicht die vernunft /
sondern der geyst Gottes. Aber der geyst wirkt
die wir vnd zweyerley weys. Nemlich durch die ertödtung
des fleyschs / vnd durch die lebendigmachung des
des geystes. Inn diesem gepot wirt gantzlich das von
ts ynn vns erfodert / das wir da ym vater vnser bet
vns. ren / zukom̄ deyn reich / das ist so viel / du regier
vns / du herrsch vber vns / vñ du versich vns was
vns not ist. So dich etwa eyner seer beleydiget /
also / das es dyr herzlich weethut / so denn hör
auff vnd feyer / vnd las Gott ynn dyr wirken /
vnd dyr deyn fleysch tödten / auff das dyr der
herr weyter seynen geyst mitreyl / vnd als denn
wurdestu dis gepot recht erfüllen / das da sagt
von des Sabbats heyligung.

Die meynung helt das gepot ynnen / das man
sol leyden die ertödtung des fleyschs / vnd vom
geyst Gottes gefürt vnd geregert werden. Hat
yhn gesegent / das ist / er hat den Sabbath tag
vber andere tag erhöcht / vnd vbertrefflich ges
macht / hat yhn geheyliget / das ist / er hat yhn als
leyn Gott außerswelt vnd außgesundert. Eyn ig
lichs werck / vnd das gantz vnser leben ist verflu
cht vnd vnheylig / on alleyn der Sabbath nicht /

denn der Sabbath ist geseget / vnd Gott dem
Herrn außgesundert / nemlich nach dem wyr ni-
cht wirken / sondern Gott ym vns.

¶ Eyn begryff vnd zeygung der dreyer vorbestympte gepot.

- 1 Vertrau / Glaub / vnd furcht Gott.
- 2 Ruff den namen des Herren an / vnd verlas
dich darauff.
- 3 Leyd vnd gedult das deyn fleysch getödt
werd vnd regiere dich nicht selbs.

¶ Hab deynen nechsten lieb als dich selbs.

Wenn das hertz oder gemüt gereynigt ist / so
verlest es sich ganz vnd gar auff Gott / vñ. hange
alleyn an Gott / vnd leydt alle widerwertigkheyt
gedultig / Baldt folget denn auch darauff eyn der
müdigkheyt / oder eyn zumichtigkheyt seyn selbs / dur-
ch wilche sich das gemüt alle creaturn vnterwirfft
vnd vnderthenig macht. Es weyst vnd erkende
auch / das es allen zu eynem knecht gegeben vnd
verlihen ist.

¶ Das vierdt gepot.

Du solt deyn vater vnd mütter ehren.

A v

Das ist der Begryff vnd ynnhalt/ dis gepots/
Ehre/ diene/ furcht von gantzem hertzen/ vnd sey
deyner oberkeyt gehorsam. So sie aber widder
Got wurd gebieten/ so sol man den nicht wilfarn/
vnd gehorsam leysten/ denn man mus Gott mehr
gehorsam seyn/ denn den menschen. Actorum. v.
Das wserlin Ehre/ heyst nicht alleyn fürchten vñ
dienen/ sondern gros von yhnen halten / vnd sie
erkennen als die so vns von Gott dahyn gesetzt/
den wyr folgen sollen. Also sol man alle ehren de
nen die eltern yhr ampt befolhen haben/ Der disc
cipel oder Junger seynen lerer oder meyster/ der
Burger seynen Rdt / vnd eyn iglicher seynem
obern dienen vnd von gantzem gemüt gehorchen.

¶ Das Funfft gepot.

Du solt nicht tödten.

Du solt nicht tödten/ das ist/ du solt von gan
zem hertzen vnd gemüt guts ginnen / vnd nicht
beleydigen mit der zungen / vnd was sonst der
gleychen ist. Alhie werden darnider gelegt vnd
verboten / aller neyd / rach / schand vnd laster
wort/ nachredung/ krieg/ hader/ zorn/ has/ vnd
anders.

¶ Das sechst gepot.

Du solt nicht Ehebrechen.

Die vnkeusch mag geschehen / mit den augen/
mit Worten / mit gebarden / vnd mit gedancken.
Kurtzlich alle krefft vñ vermügen vnser leybs/
ist verunreynigt vnd besleckt. Du solt nicht ehel
Brechen / Da wird verboten alle hürerey / Ehe
Bruch vnd vnkeuscheyt / Die sünd fur die andern
micht ynn vns die verachtung / verschmehung /
vnd vnwissenheyt Gottes / auch die vnvorsichtig
keyt. Es ist auch keyn andere sünd so grausamlich
gestrafft worden / als eben die vnkeusch / wie man
denn klar ynn der schrift findt / welches denn
gnug Bezeugen vnd Beweysen / der sündflus vnd
die sündstett / Sodome vñ Gomorre / die durchs
frewer / schwefel vnd Bech sind verfürdt worden.
Dazu möcht man das gnug Bey dem Dauid ab
nehmen / wie Gott die sünd so gewlich strafft.

Whe mehr man eyn sünd entpfindt vnd fült /
yhe mehr treybt vñ zwingt sie zur verzweyfflūg /
Gott der wolle vns verleyhen den geyst der keu
scheyt / damit wyr alle vrsachen mügen fliehen vñ
meyden die da reytzen vnd anfall geben zu dieser
sündt / als nemlich müßigang / vnd alle wollust
Barkeyt / die da gleych als eyn grub vnd pfützen /
zu des leybs vnkeuscheyt zusammen fließen vñ ryn
nen / Das fleysch mag alleyn durch den glauben
vberwunden werden / vñ sonst mit keynem ding.

¶ Das siebendt gepot.

Du solt nicht stelen.

Gib allen denen die dich bitten/ Kumb den armen zu hulff/ leyh eynem iglichen / denn so das vnter wenigen freunden solte gelten / das man sagt/ Ta/ton/ philon cona/ das ist so vil/ das vnter den freunden alle gütter sollen gemeyn seyn / warumb soll nicht das auch gelten vnter allen Christen menschen? Wo aber yemand wolt mutwilligklich sich auff anderer gutheyt verlassen / hat Paulus die regel geben / man soll also geben/ das nicht andere mutwillen damit treyben / vnd wyr nott leyden ij. Corinth. viij.

¶ Das achtet gebot.

Du solt keyn falsch gezeugnis geben.

Du solt nicht liegen / niemandt richten vnd vbel reden / vnd bis gerecht vnd schlecht ynn allen dingen / sollich gerecht vnd vnparteysch wesen ist vnter allen tugenten / die höchst vnd Best. Die lersten zwey gebott fürderen viel mehr vnd grössere ding von vns / denn wyr thun vnd halten mügen / nemlich die höchst vnd meyst lauterkeyt vnd reynigkeyt des hertzen / zu welcher wyr ynn diesem kampfischen vnd streytbarn leben sollen ringen vnd arbeyten .

¶ Das neundt vnd zehend gepott.

Du solt dich nicht lassen gelüsten das

haws deynes nehsten. Du solt auch
deynes nehsten weybs nicht begern.

Das ist so viel / nicht seyn geneygt zu Bösem / son-
dern tracht also nach göttlichen dingen / vnd zu
Gott / damit dich die yrdischen ding nichts be-
kümern vnd du nichts an yhnen hangest.

¶ Von der krafft des gesetz.

Die erkentnis des gesetz ist so gros von nöten
das wyr das Euangelion nicht erfahren noch em-
pfinden ynn vnsern hertzen nur alleyn / wyr wis-
sen vnd erkennen denn zuor die krafft vnd das
vermögen des gesetz / vnd das ist das werck des
gesetz / das es die gewissen entsetzt vñ erschreckt.

¶ Red du mit vns.

Der Donner / ist die stym des gesetz / wenn Donner
vnser gewissen die selb stym hört / so mag es die ist das
genzlich nicht erleyden / dulden noch tragen. Das werck
ist genzlich das werck des gesetz / das es die con- des ges
sciencz vnd gewissen entsetzt vnd erschreckt / vnd setz.
zeygt yhm an seyn gebrechligkeyt vñ schwacheyt.
Der tod ist gleych eyn ding wie der schlaff vnd
eyn erzney der höchsten vnd hitzigisten / Begir-
den vnd anmüttungen. Die ganz Euangelisch
leer ist eyn Bereytung vnd eyn geleyt den tod
vnd ynn den widderwertigkeyten dieser welt.

¶ Fürcht euch nicht/ denn Gott ist kommen
das er euch versuch 2c.

Das ist so viel/ Gott ist kommen/ damit er vns
anzeiget vnser schwacheyt/ vnd damit er vns zu
uerstehen geb/ das keyner andern sach für Gott
von nöten sey/ denn alleyn des glawbens / Vhe
heffriger wyr die schwacheyt vnd vnser Blödig-
keyt sehen / vmb so viel mehr erkennen wyr die
gröffe vnd Barmhertzigkeyt Gottes.

¶ Eyn altar von erden mach myr.

Zuffs eynfeltiglichst von der sach zu reden/ so
ligt da alle krafft vnd ynnhaltung ynn dem wört
lin/ Myr / also das mans der massen mus verste-
hen/ als her Gott gesagt/ Opffer alleyn myr/ vnd
sonst niemandt dem myr/ vnd setzt auch schon die
ursach hynzu / vnd spricht / Denn ich wil zu dyr
kommen vnd dich sehen.

¶ Du solt myr keyn altar von gehawen
steynen machen.

Das ist / du solt myr nicht dienen / durch deyn
eygene werck/ durch gutte meynung/ vnd gut ges-
duncken der natur / vnd durch gleychneri-
schen vnd heuchlerischen fürsatz/ sonder rechter glawß
vnd forcht mus quellen vom heyligen geyst.

¶ Denn wo du mit deynem Messer darauff sehest.

Das Messer Bedeut /gedencken/ fur satz, fleiß/ vnd gut Beduncken der vernunft.

¶ Du solt nicht auff stapffeln zu meynem altar steynen.

Das ist / du solt nicht trawen odder glawben/ das du durch deyne werck wöllest gerechtfertigt werden/ denn ynn den wercken wil ich dyr deyn scham vnd schndigkeyt zeygen/ alle deyne werck sind unreyn vnd alleyn der glawb macht recht fertig.

¶ Der begryff vnd ynnhalt des Capitels.

Zum ersten melt vnd erzelt er die gesetz. Zum andern offenbart er die krafft vnd das vernunfften des gesetz. Zum letzten / vnderweyft vnd lernet er wie das gesetz solt gehalten vnd erfüllt werden/ Nicht von gehawen steynen/ das ist / nicht von vnserm fleys / mühe/arbeyt / odder gedanken / sonder warhafftiger glawb/forcht/demut/lieb des nehsten/ wirckt Gott ynn den hertzen/ Dis ist denn der recht dienst daran Gott wolgesfallen geschicht / vnd damit das gesetz erfüllet. Was aber menschliche vernunft aus eygner krafft wirckt/ das ist Blindtheyt/ lügen/vnd heuchley.

¶ Gott sey alleyn ehre.

Joan: 7

Nolite iudicare per aspectum facie iudicare
per spiritum

[Faint, illegible text, likely bleed-through from the reverse side of the page]



ind. ma
grifto

[Faint, illegible text from the adjacent page is visible on the left edge of this page.]



AB: 67 $\frac{10}{c, 14}$

ULB Halle

3


003 932 257



5b.

102.





Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

B.I.G.

Farbkarte #13

Black

3/Color

White

Magenta

Red

Yellow

Green

Cyan

Blue

